

Morning Regional Dogri News Bulletin, 13th December 2024

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- प्रधानमंत्री नरेन्द्र मोदी होरें महाकुंभ मेला 2025 थमां पैहले प्रयागराज च बुनियादी ढांचे दे विकास सरबंधी परियोजनाएं दी शुरूआत करोआंगन।
- उपराज्यपाल मनोज सिन्हा होरें आखेआ ऐ जे सरकार सब्बने गी बरोबरी ते समाजी न्याह उपलब्ध करोआने लेई वचनबद्ध ऐ।
- मुख्यमंत्री उमर अब्दुल्ला होरें सूचना ते फुल्लें दी काश्त सरबंधी मैहकमे दे कम्मकाज दा जायजा लैता।
- इंडियन लाईट टैंक नै मती उंचाई परा स्टीक तरीकें कन्नै केई सारे रौंद फायरिंग करियै इक बड्डी उपलब्धि हासल कीती।

<><><><><><>

PM-Development Projects

प्रधानमंत्री नरेन्द्र मोदी होर महा कुंभ मेला 2025 थमां पैहले प्रयागराज च बुनियादी ढांचे दे विकास सरबंधी 5 ज्हार 5 सौ करोड़ रपे दी विकास परियोजनाएं गी शुरू करोआंगन। इनें परियोजनाएं च 10 नमें ओवर ब्रिज ते फ्लाईओवर, स्मार्ट घाट ते शिड़कें कंडे आलियां रिवर फ्रंट शिड़कां शामिल न। इंदा मुख लक्ष्य प्रयागराज लेई संपर्क च सुधार ते यात्रा गी सौख्वा ते रमानदारी आला बनाना ऐ। मोदी होर बिजन साफ कीते गेदे गंदे पानी ते रैंद खैंद गी गंगा च जाने थमां रोकने लेई इक परियोजना दी बी शुरूआत करगन।

<><><><><><>

LG Transformation

जम्मू कश्मीर सरकार सारें गी समाजिक न्याह देने आस्तै वचनबद्ध ऐ। उपराज्यपाल मनोज सिन्हा होरें आखेआ जे पिछले 5एं ब'रे च जम्मू कश्मीर च ढांचागत विकास केई गुणा बधेआ ऐ। जनरल जोरावर सिंह हुंदे शहीदी दिवस दे मौके बोलदे होई सिन्हा होरें आखेआ जे जनरल जोरावर सिंह होर बड़ा मता ते महत्वपूर्ण योगदान दित्ता ऐ। उनें सरकार दे जतनें दा बी जिक्र कीता जेह्दे जरियै महा शक्सियतें दे योगदान गी चेता कीता

जा'रदा ऐ जेह्दा नेतृत्व प्रधानमंत्री नरेन्द्र मोदी होरें कीता। पिछले ब'रे च जम्मू कश्मीर च आए दे बदलावें बारे बोलदे होई उपराज्यपाल होरें आखेआ जे समानता ते समाजिक न्याय सरकार दी पैहली प्राथमिकता न।

<><><><><><>

CM -Information

मुख्यमंत्री उमर अब्दुल्ला होरें सिविल सचिवालय च जम्मू च इक बैठक लाइयै इनफरमेशन मैहकमे दे कम्मकाज दा जायजा लैता। उनें मैहकमे दी कारकरदगी ते कम्मकाज दा निरीक्षण कीता। उनें फिल्में दी शूटिंग लेई इजाजत लैने आस्तै कायम सिंगल विंडो पोर्टल दे कम्म काज बारे बी पुच्छेआ पछाया। उनें फिल्म निर्माताएं गी बिजन चिर लग्गे दे फिल्म दी शूटिंग दी इजाजत देने आस्तै पूरे पराते सरिस्ते गी सूचारू बनाने ते प्रक्रिया गी तेज करने पर जोर दित्ता। अखबारें ते मीडिया घराने इश्तेयारें बारे व्यापक नीति पर बी इस दरान चर्चा होई। मुख्यमंत्री होरें मैहकमे गी हिदायत कीती जे ओह इस पूरे पराते सरिस्ते च पारदर्शिता बरतन।

<><><><><><>

IGP Traffic

आईजीपी ट्रैफिक जम्मू कश्मीर एम.सूलेमान चौधरी होरें कल जिला सांबा ते कटुआ दा दौरा लाइयै ट्रैफिक प्रबंधन ते दूए चला'रदे निर्माण परियोजना दा जायजा लैतौ उंदे कन्नै एसएसपीट्रैफिक ग्रामीण जम्मू गिरधारी लाल, डीएसपी ट्रैफिक सांबा—कटुआ सुखदेव सिंह, डीटीआई ते दुए ट्रैफिक पुलस अफसर मजूद हे। आईजीपी होरें एनएच—44 जम्मू थमां लखनपुर तोड़ी ट्रैफिक दे लिहाज कन्नै महत्वपूर्ण थाहरें दा जायजा लैता। उनें डाक एक्सप्रेस वे दे निर्माण सरबन्धी कम्में च होआ'रदी चिर दी समीक्षा कीती ते अधिकारिणें कन्नै चर्चा करियै निर्देश दित्ते जे परियोजना दे कम्म गी मित्थे गेदे समें च पूरा करने दे प्रबंध करन ते इस गल्ल दा खास ध्यान रखन जे निर्माण कम्में करियै आम ट्रैफिक दी आओजाई पर मता असर नेई पवै। होटल सरोवर बलोल पुल, जेके ऑयल मिल्स बड़ी ब्राह्मणा दे कोल, थाहर राजबाग, सख्ताचक्क, बरनोटी ते हटली मोड़ जनेई थाहरें पर मती ट्रैफिक जाम बारे बी चर्चा कीती गई।

<><><><><><>

SSP Traffic Ramban

एसएसपी रामबन ट्रैफिक होरें सारे डरैवरें ते बनिहाल ते चिनाव घाटी आली भेठा जाने आले सैलानिणें लेई परामर्श जारी कीता ऐ। उनें सारे डरैवरें गी पत्नीटॉप ते बनिहाल आली भेठा जाने आले डरैवरें गी पूरी एहतियात बरतने लेई आखेआ ऐ तां जे हादसों गी रोकेआ जाई सकै।



SIH-IIT Jammy

स्मार्ट इंडिया हैखथान एसआईएच दा ग्रैंड फिनाल कल आईआईटी जम्मू च सफलतापूर्वक सम्पन्न होइ गेआ। इस कार्यक्रम च मुख्य भरै दिएं 28 टीमें हिस्सा लैता। इनें टीमें गी नैशनल क्रिटिकल इनफरमेशन इनफ्रास्ट्रक्चर प्रोटेक्शन सेंटर आस्सेआ साइबर सुरक्षा सरबन्धी चुनौती दित्ती गई। 6 टीमां जेतु रेइयां। हर इक गी 1-1 लक्ख रुपे दी राशि ते प्रमाण पत्र थोआ। एह पुरस्कार आईआईटी जम्मू दे निदेशक प्रो. मनोज सिंह गौर होरें दित्ते। इस मौके पर एम-क्योर फार्मासिटीकल दे एमडी, जम्मू कश्मीर बैंक दे क्षेत्रीय निदेशक, आईसीआईसीआई बैंक दे जम्मू, कश्मीर ते लद्दाख दे जोनल हैड मजूद हे। प्रो. गौर होरें प्रतिभागिणं दी सिफत कीती ते इयै ब8रे जतनें दी महत्ता गी उजागर कीता।



CM-Floriculture

मुख्यमंत्री उमर अब्दुल्ला होरें फुल्लें दी काश्त ते पार्कें सरबन्धी मैह्कमे दी बी सिविल सचिवालय जम्मू च इक बैठक लाई। इस दरान मैह्कमे दे कम्मकाज ते इस सेक्टर दी समर्थ गी होर बेहतर करने पर चर्चा कीती गई। बैठक गी संबोधत करदे होई मुख्यमंत्री होरें इस सेक्टर च मजूद संभावनाएं गी उजागर कीता खास करी कश्मीर घाटी च जेह्डी तौले गै रेल राएं मुख्य कन्नै जुड़ी जाग। उनें हवाई अड्डे आली शिड़क दे आले दोआले तुलिप लाने लेई हिदायत दित्तियां तो जे ओहदी सुंदरता होर बधी सकै। उनें श्रीगनर आले तुलिप गार्डन आली थाहर होर मते सैलानिणं गी आकर्षित करने आस्तै मशूहरी आले अभियान चलाने लेई बी आखेआ। बैठक च बाग-ए-बाहू गार्डन ते भौर कैप गार्डन गी होर बेहतर करने पर जोर पाया।



Indian Light Tank

इंडिया लाईट टैंक नै 4 जहार 2 सौ मीटर थमां मती दी उंचाई पर बक्ख-बक्ख रेंजच स्टीक तरीके कन्नै केई सारे राउंद फायरिंग करियै इक बड्डी उपलब्धि हासल कीती ऐ। रक्षा मंत्रालय नै इक ब्यानै च आखेआ ऐ जे आईएलटी दी सशस्त्र बलें दा जरूरतें गी पूरा करने आस्तै 25 टन वर्ग दी बख्तरबंद लड़ाकू गड्डी दे तौर पर डिजाइन कीता जा:रदा ऐ। एहदे च आखेआ गेआ ऐ जे लाईट टैंक गी भारतीय सेना दी प्रोविजनल स्टाफ गुणात्मक ते विकास संगठन दी चिन्नेई स्थित प्रयोगशाला काम्बैंड व्हीकल्स रिसर्च डवेलपमेंट आस्सेआ डिजाइन ते विकसित कीता गेआ ऐ। रक्षा मंत्रालय नै आखेआ ऐ जे भारतीय वायु सेना आस्सेआ आईएलटी दी एयरलिफ्ट क्षमता दा बी प्रदर्शन कीता गेआ।



Secretary RDD

ग्रामीण विकास मैहकमे दे सचिव मोहम्मद एजाज असद होर सांबा जिले दा चानचक्क दौरा लाया ते फील्ड ते दफतर च औने आले अमले दी समे दी पाबंदी दा जायजा लैता। अपने दौरे दरान एजाज असद होरें ड्यूटी दरान जेहड़ा अमला फील्ड च होना लोड़चदा हा उंदे कन्नै बी गल्ल कीती। जेहड़े बी लोक मौके पर नेई पाए गे उंदे खलाफ कारवाई कीती जाग। इस मौके पर उंदे कन्नै अतिरिक्त सचिव होर बी मजूद हे। उनें बड़ी ब्राळमणा च चला'रदे केई सारे कम्मे दा जायजा लैता। उनें चलाई जा'रदी स्कीमें दी अमलावरी दा बी आंकलन कीता ते केइए दे मयार गी बनाई रखने गी पूरा करने दियां हिदायतां दित्तियां।



DC-Eco Sensitive

डिप्टी कमीशनर सचिन कुमार वैश्य जेहड़े गै पर्यावरण संवेदनशील क्षेत्र रामनगर जंगली जीव जंतु सरबंधी वार्डल्ड लाईफ सैंचरी दी नजरसानी कमेटी दे अध्यक्ष बीहैन, होरें इक बैठक लाइयै संवेदनशील क्षेत्र रामनगर आस्तै प्रावधाने गी लागू करने आले जोनल मास्टर प्लान दी तैआरी दा जायजा लैता। इस बैठक च वार्डल्ड लाईफ वार्डन जम्मू विजय कुमार ते दुए कमेटी सदस्य मजूद हे। इस दरान 2021 गी दस्से गेदे 10 स्कैयर किलोमीटर पर्यावरण संवेदनशील क्षेत्र गी बचाने ते ओहदे प्रबंधन बारे इस ठोस रणनीतिबनाने दी जरूरत पर जोर दित्ता गेआ। बैठक च कमेटी नै इस बारे दी चर्चा कीती ते किश कम्मे पर इस थाहरे च रोक लाई जाग ते पर्यावरण संरक्षण आस्तै हर गैह पुट्टी जाग। अध्यक्ष होरें जम्मू विकास प्राधिकरण ते जम्मू म्यूनिसिपल कारपोरेशन गी निर्देश दित्ते जे ओ नियोजन प्रक्रिया च सक्रिय रौहन।



DC Poonch

डिप्टी कमीशनर पुंछ विकास कुंडल होरें कल पीएम सूर्य घर मुफ्त बिजली योजना दे सरबंधे च डीसी दफतर परिसर च जागरूकता कार्यक्रम दी शुरूआत कीती। एह योजना इक सरकारी योजना ऐ जेहदा मकसद पूरे भारत च घर-घर मुफ्त बिजली उपलब्ध करोआना ऐ। इस कार्यक्रम दरान विकास कुंडल होरें ऊर्जा दे ऐसे जरियै गी इस्तेमाल करने आस्तै आखेआ। जेहड़े गै कदे बी रकम नेई होंदे न। इस मौके दस्सेआ गेआ जे 2 किलो वाट सिस्टम लोआने पर लाभार्थिगं गी 65 फीसदी सब्सिडी थोग।

